

L luech da Gustin

A mez ai prei da La Poza tl scumenciamënt dl luech de Sëlva iel na cësa ulache l semea che l tēmp se ebe fermà. La cësa da Gustin ie una dla ultima testimonianzes de coche n vivova mo dan puec dejeneies tlo te Gherdëina

Cëses - L lëur da paur ne dajova nia ca truep y l inviern fova lonch, nsci ova la jënt metù man de ziplé per se davanîe velch leprò. Tres i ferleigri y marcadënc che jiva pona ora per l mond a vënder chiena, ie l ert dl ziplé diventà un di lëures plu mpurtanc cun chël che la jënt de Gherdëina se trajova l viver. L uni su dl turism y l tēmp modern che univa docà a fat sfanté damprovia la cëses da paur che per cënc de ani ova fat l fat y caraterisova l cialé ora de nosta valeda.

Tla cësa da Gustin iel mesun se rēnder cont mo drët avisa de coche n vivova plu da giut y chël nia mé n con' dl lëur da paur, ma nce de coche nosc antenac se dajova ju cun l'ert dl ziplé y dla massaria che i adurvova per chësc lëur.

„Bele da for nes stajövel a cuer de fé n museum ora de chësta cësa,” dij i fredesc Walther y Reiner Kasslatte. Y inant: „Per ti purtè plu daujin y ti lascé udéi pusciblmēter a na gran cumpëida de jënt nosta arpejon culturela, se ons mpensà de mèter a jì per ntant n museum online. Nosc gran dejidere fossa chël de pudéi, n di o l auter, giauri la cësa a duc i nteressei per pudéi jì a ti cialé da daujin.”

Cësa y tublà adum

On tēut l'ucajon de rujené cun Walther y Reiner Kasslatte dla cësa Gustin, che fova de n si berba, Vinzenz Hofer, plu cunesciù coche bera Zenz di Coi. Coche i doi fredesc Kasslatte conta ie la cësa particulera daltadut ajache l ie una dla do la



Walther y Reiner Kasslatte dan cësa da Gustin te Sëlva.

rata puecia cëses da zacan de Gherdëina che ie mantenides coche les fova. La strutura architetonica ie chëla dla cësa y tublà deberieda, "Einhof" per tudësch, cësa y tublà toca y taca adum. Mpue' nce a documēn l'iam strēt che l'ie stat ti seculi cun la jënt de Gherdëina y l lëur da paur.

L'ultima ëila che ie stata laite ie Trina Kasslatte Bernardi, anda Trina da Gustin, che ne ova nia mutons (c. nce articul tlo a pert). Dlongia l lëur da paur marciadova anda Trina de chiena, deberieda cun si sor Josefina che ova na butëiga

dala chiena a Bulsan, sot ala Lauben. Andà Trina se nuzova de na majon autite per mèter ora si chiena, da lascé udéi ala jënt che univa adalerch a ti cialé y sambèn nce a cumpré. Danter chisc nce autoriteies mpurtantes, coche conta Walther y Reiner Kasslatte, che canche les univa adalerch al frësch te Sëlva ne se lasciöveles nia tò de jì nce ora Gustin a cialé coche l univa ziplà. Nsciuna, na cësa cun na gran storia, mantenida scialdi bën, che ie na documentazion dla tradizion dl frabiché ma nce dla vita soziela y economica de nosc raion. Propi perchël à i fredesc Kasslatte bele da truep ani incà l'idea de fé n museum dainora, acioche la jënt da tlo ma nce i turisc posse se goder la bela cësa. Per ntant iel n museum online, sce n possa di nscila. Chi che uel possa jì sun la plata internet www.museumcesagustin.com y ti cialé ala - propi - bela fotografies dla cësa dedora y dedite, cun la plantes di partimēnc. La ntension di fredesc Kasslatte ie de vester boni al plu prësc de fé a na maniera che la jënt posse nce jì ite. Na cossa che ëi se sëurantol, ma ulache l va zēnzauter de bujēn dl sustēni y dla cunlaurazion dla istituzions de turism y de cultura y dla man publica.



Te ciulé iel doi de gran erces dala blava, ulache l univa teni su l orde y la siela.



Canche l uscel te fonz de standegun ie daviert àn da mèter a verda de no tumé ju al infal te ciulé.



Turnadëcia a man drëta, a man ciancia sun fonz n njin da fé broces de lën.



Liet cun stersoch (madroz de stram).

David Lardschneider



Letieria depēta y decureda, cun scialieres.



Scrita risseda ite tl taflà dl porte „ADI 27 AVRIL DEL 1596 MI SON VENUTO A STAR QVI”.



L autere dla Cësa da Gustin.